



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-605-4/23**
Datum: **09.01.2024. god**

«Agencija za vodno područje rijeke Save» Sarajevo rješavajući po zahtjevu pravnog lica JP «GRIJANJE» d.o.o. Kakanj za donošenje rješenja o vodnoj saglasnosti za aktivnost – rekonstrukcija magistralnog vrelovoda sistema daljinskog grijanja od Osnovne škole «Hamdija Kreševljaković» do naselja Mile, općina Kakanj, na osnovu člana 109. stav 3. a u vezi sa članom 12. stav 1. tačka (1) Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Pravnom licu JP «GRIJANJE» d.o.o. Kakanj, daje se vodna saglasnost za aktivnost – rekonstrukcija magistralnog vrelovoda sistema daljinskog grijanja od Osnovne škole «Hamdija Kreševljaković» do naselja Mile, općina Kakanj a na osnovu projektne dokumentacije:
 - Glavni projekat magistralnog vrelovoda od Osnovne škole «Hamdija Kreševljaković» do naselja Mile, urađen od JP «GRIJANJE» d.o.o. Kakanj broj: GP 04/23, septembar 2023. godine te revidovan od «NAB» d.o.o. Kakanj, oktobar 2023. godine.
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Sve radove na izgradnji rekonstrukcije magistralnog vrelovoda sistema daljinskog grijanja od OŠ «Hamdija Kreševljaković» do naselja Mile, općina Kakanj izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.3. U toku izvođenja radova na izgradnji vrelovodnog sistema otpadni i višak iskopanog materijala se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.4. Predvidjeti da se sav nastali otpadni i višak iskopanog materijala prikuplja i zbrinjava izvan površina obuhvaćenim uticajem velikih voda, a u skladu sa važećim propisima o postupanju sa otpadom.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (pogoršanje kvaliteta vode i dr) kao i postojeće korisnike voda.
 - 3.6. Podnosilac zahtjeva je obavezan ispoštovati uslove iz Lokacijske informacije broj: 04/1-19-3150/23 od 26.09.2023. godine izdate od Službe za privredu, urbanizam i zaštitu okoline Općine Kakanj.
4. Ukoliko se izvođenjem predmetnih radova ili drugim aktivnostima vezanim za iste te korištenjem predmetnog infrastrukturnog objekta prouzrokuju štete i naruši stabilnost korita rijeke Bosne, postojećih objekata i obala vodotoka ili nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom infrastrukturnom objektu obuhvaćenom ovom vodnom saglasnošću, korisnik zaštitnih vodnih objekata nije odgovoran za nastale štete.

6. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Po završetku izgradnje predmetnog infrastrukturnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
8. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
9. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
10. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, JP «GRIJANJE» d.o.o. Kakanj, obratilo se ovoj Agenciji 22.12.2023. godine sa zahtjevom za donošenje rješenja o vodnoj saglasnosti za aktivnost – rekonstrukcija magistralnog vrelovoda sistema daljinskog grijanja od Osnovne škole «Hamdija Kreševljaković» do naselja Mile, općina Kakanj, a u postupku pribavljanja odobrenja za građenje.

Uz zahtjev nije dostavljena dokumentacija koja je propisana članom 8. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata te je dopisom broj: UP-1/21-1-40-605-2/23 od 25.12.2023. godine, zatražena dopuna dokumentacije neophodne za vođenje upravnog postupka od strane ove Agencije. Investitor je dopunio zahtjev u traženom roku.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 043-0-Reg-23-001107 od 16.10.2023. godine izdatog od Općinskog suda u Zenici,
- Ovjerena kopija Uvjerenja o poreznoj registraciji izdatog 24.08.2011. godine od Porezne uprave Federacije BiH – Kantonalni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-35-78-3/12 od 02.02.2012. godine izdatog od Uprave za indirektno – neizravno oporezivanje Banja Luka,
- Dokaz o uplaćenju upravnoj taksi,
- Lokacijska informacija broj: 04/1-19-3150/23 od 26.09.2023. godine izdata od Službe za privredu, urbanizam i zaštitu okoline Općine Kakanj,
- Kopija Rješenja o prethodnoj vodnoj saglasnosti broj: UP-1/21-1-40-229-4/23 od 03.07.2023. godine izdatog od «Agencije za vodno područje rijeke Save» Sarajevo,
- Glavni projekat magistralnog vrelovoda od Osnovne škole «Hamdija Kreševljaković» do naselja Mile, urađen od JP «GRIJANJE» d.o.o. Kakanj broj: GP 04/23, septembar 2023. godine (na uvid i ovjeru),
- Izvještaj po izvršenoj reviziji projektne dokumentacije, oktobar 2023., urađen od «NAB» d.o.o. Kakanj (na uvid).

Nakon uvida u dostavljenu dokumentaciju konstatovano je sljedeće:

- Postojeći magistralni vrelovod sistema daljinskog grijanja općine Kakanj izgrađen je 1986-88. godine. Dionica vrelovoda od TE Kakanj do ulaza u grad izvedena je nadzemno, postavljanjem na čelične nosače, a do krajnjih podstanica cjevovod je položen podzemno.
- Aktivnost za koju je podnesen zahtjev odnosi se na rekonstrukciju vrelovoda sistema daljinskog grijanja na desnoj obali rijeke Bosne od OŠ «Hamdija Kreševljaković» do naselja Mile u Kakanju. Cilj rekonstrukcije je zamjena postojećeg, dotrajalog cjevovoda čime će biti povećana sigurnost isporuke toplotne energije, smanjit će se zastoji u isporuci ali i gubici energije na cjevovodu. Trasa novoprojektovanog cjevovoda se uglavnom poklapa sa trasom postojećeg cjevovoda i vodiće se podzemno.

- Trasa cjevovoda se vodi postojećem trasom cjevovoda uz manja neophodna odstupanja. Počinje od dvorišta Osnovne škole „Hamdija Kreševljaković“ u tački T0, prelazi preko saobraćajnice u Ulici Šehida, zatim prolazi parcelu 2051/1, te dio parcele 2053/1 do Mosta Mladih. Trasa cjevovoda se dalje podzemno vodi postojećom trasom duž obale rijeke Bosne, preko Mila, sve do parcele 2097/11, tačka T15, gdje i završava dionica koja je predmet ovog projekta.
- Uvidom u informacijski sistem voda AVP Sava (ISV) i dostavljenu projektnu dokumentaciju utvrđeno je da se, u postupku rekonstrukcije, dio trase vrelovoda planira položiti na dijelu zemljišnih čestica koje su označene kao javno vodno dobro uz rijeku Bosnu.

Urbanističke uslove za izgradnju predmetnog infrastrukturnog objekta, podnosiocu zahtjeva je kroz izdatu Lokacijsku informaciju saglasnosti izdala Služba za privredu, urbanizam i zaštitu okoline Općine Kakanj.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti izdatog od strane ovog organa, broj: UP-1/21-1-40-229-4/23 od 03.07.2023. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat magistralnog vrelovoda od Osnovne škole «Hamdija Kreševljaković» do naselja Mile, urađen od JP «GRIJANJE» d.o.o. Kakanj broj: GP 04/23, septembar 2023. godine, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Prilog:

- Ovjerena projektna dokumentacija: Glavni projekat magistralnog vrelovoda od Osnovne škole «Hamdija Kreševljaković» do naselja Mile, urađen od JP «GRIJANJE» d.o.o. Kakanj broj: GP 04/23, septembar 2023. godine
- Izvještaj po izvršenoj reviziji projektne dokumentacije, oktobar 2023., urađen od «NAB» d.o.o. Kakanj

Po ovlaštenju
Rukovodilac sektora za izdavanje vodnih akata

Hariš Ališehović
Hariš Ališehović, dipl.ing.građ.

Dostaviti:

- JP «GRIJANJE» d.o.o. Kakanj
- Ul. Alije Izetbegovića br 117, 72240 Kakanj (prilog)
- AVP, ISV – Vodna knjiga
- ⊗ Sektor 40, arhiva
- Oglasna ploča, AVP Sava